

BAB 14 - SUBKONTRAKTOR DINAMAKAN DAN PEMBEKAL DINAMAKAN

14.1 Pendahuluan

- 14.1.1 Subkontraktor Dinamakan dan/atau Pembekal Dinamakan bermaksud semua subkontraktor pakar bagi melaksanakan sebahagian kerja Kontrak dan/atau Pembekal bagi membekal bahan-bahan atau barangan yang menjadi sebahagian daripada Kontrak yang dinamakan kepada kontraktor oleh P.P. menurut Syarat-syarat Kontrak. Menurut peruntukan Kontrak, kerja-kerja bagi Subkontraktor Dinamakan dan/atau Pembekal Dinamakan diperuntukkan sebagai Wang Kos Prima dalam ringkasan tender/senarai kuantiti. P.P. juga boleh menggunakan budi bicaranya untuk mengubah peruntukan Wang Kos Sementara kepada Wang Kos Prima dengan mengeluarkan arahan bertulis kepada Kontraktor. Subkontraktor atau pembekal yang dinamakan oleh P.P. menjadi Subkontraktor Dinamakan atau Pembekal Dinamakan kepada Kontraktor. Kontraktor bertanggungjawab sepenuhnya terhadap pelaksanaan Kontrak oleh Subkontraktor Dinamakan dan Pembekal Dinamakan.
- 14.1.2 Tatacara Perolehan Bagi Subkontrak yang dinamakan adalah mengikut peraturan secara tender atau sebut harga. Bagi nilai kerja kurang daripada RM500,000 dipelawa secara sebut harga dan nilai kerja yang melebihi RM500,000 dipelawa secara tender.
- 14.1.3 Prosedur perolehan dan pentadbiran kontrak bagi Subkontraktor Dinamakan dan Pembekal Dinamakan secara keseluruhannya telah diterangkan dalam bab 5 hingga 16. Bab 14 ini hanya menerangkan prosedur khusus mengenai Subkontrak Dinamakan dan Pembekal Dinamakan.

14.2 Dokumen Tender / Sebut harga

- 14.2.1 Peraturan dan prosedur yang menentukan cara penyediaan dokumen tender dan Dokumen Meja Tender yang diterangkan dalam bab 5 secara am juga terpakai bagi penyediaan dokumen tender/sebut harga dan Dokumen Meja Tender/Sebut harga untuk Subkontrak Dinamakan dan Pembekal Dinamakan. Perbezaannya